

I'uleo O Le MALUA PAPAI



Tala mai le Kolisi Faa-Faifeau i Malua / News from Malua Theological College; Lomiga XLV - Nov 2021

TALOFA LAVA!

E muamua ona sii le viiga ma le faafetai i le Atua, ona o lona alofa ma lona agalelei, ua ia aumai ai i le manuia le soifua o le Ekalesia, le Komiti o Malua, o Matua, Aiga ma Uo, faapea le Kolisi o Malua, i le faaiuga o feau ma galuega faa-le-aoaoga o lenei tausaga. O lea ua ifo i malae le ti'a o le tautiuga sa faalelele mamao. O le ālofaga sa folau i le sousou o le vasa, ae ua to'a i le malū o le tai taeao, i le faatasi mai o le Atua.

O nai tala otooto o le malaga faa-le-aoaoga a Malua o lenei tausaga.

O le amataga o le tausaga nei, na amata ai le soifua galulue i le galuega faa-faiaoga i Malua, o le Susuga ia Esera Esera ma le Faletua ia Pauline; faapea le Susuga ia Leuelu Setu ma le Faletua ia Panorama. Ua foi manuia mai le faalauteleina o le soifua aoaoina na feagai ai, i le Aoga Faa-Faifeau o le Pasefika i Fiti.

E le faagaloina le afea ai o Malua, e tala faanoanoa ona o le valaau paia a le Atua, i se tasi o le au-faigaluega, le



**Rev. Dr. Vaitusi Nofoaiga FS
Pule o le Kolisi**

Susuga i le Faifeau Faiaoga Foma'i ia Seumaninoa Puaina, faapea Susuga i a'oa'o ia Periti Tauapa'i ma Nili Alo'i. E le galo le Susuga i le Faiaoga ia Seumaninoa i ona uiga tausaaafia. Faafetai mo lou sao i le tatou galuega. Ia faamafanafanaina pea e le Atua le Faletua ia Neda Puaina ma aiga. E le faagaloina foi Susuga i a'oa'o ia Periti ma Nili. Ia saga faamafanafanaina pea e le Atua, matua ma aiga.

E manatua lenei tausaga, i faamavaega ma nisi o le aufaigaluega, ua valaauina i galuega tausi nuu, ma le Laulau o le Fono Tele. O le Susuga i le Faifeau ia

Maafala Limā ma le Faletua ia Lalokava, sa tu i le foe mua o le sā o le Kolisi i tausaga e tele. Faafetai tele i lo oulua sao taua, i le taitaiga o le Kolisi. Faafetai i Susuga i Faifeau ia Latu Latai, Apela Ah Him, ma Filemoni Crawley, mo lo outou soifua galulue mo le Kolisi, i tausaga na tatou mafuta ai. O le Susuga i le Faifeau ia Melepone Isara, ua tofia e fai ma Teutupe Aoao o le Ekalesia. Faafetai mo le soifua tautua, a o iai i Malua. Ia manuia tele tiute ua tofofi ai e le Atua, e ala i lana Ekalesia.

E manatua foi lenei tausaga ona o le taliaina e le Komiti o Malua, o le amataina loa o le a'oa'oina o le polokalame o le Master of Theology i Malua, i le tausaga fou, 2021. Sa pasia e le Fono Tele 2016, le aoaoina o lenei polokalame, peitai, sa iai ni itu na fia faaleleia mo le aoaoina o le polokalame, na mafua ai ona tuai ona faatino. Sa ofoina mai e le Sosaiete a Malua tuai le foai-tupe e faaleleia ai le Faletusi e pei ona manaomia, mo le

Faaauau itulau 2

SILASILA I TOTONU

Talofa Lava! - Susuga Vaitusi Nofoaiga	1
Tofiga o le Pule Kolisi Malua 2021	2
Fa'amavaega ma le Susuga Ma'afala & Lalokava Limā	2
Tofiga o le SuiPule o le Kolisi i Malua	3
Fa'amavaega ma le Susuga Latu & Lotu	5
Itulau Faiaoga	6

Motu le Pa ae ua lloa	7
Aoao Maliliu	8
Ata o le Kolisi & Auaiga	9, 12, 13
Vasega Fa'aiuaso	10-12
Ripoti o Vaega eseese a le Kolisi	15-16
Vaaiga Eseeese i le Kolisi	17-19
147 th Prize-Giving 2021	20-24

TOFIGA O LE PULE O LE KOLISI I MALUA, 2021



O le Fono Tele tausaga nei na tofia ai le Susuga i le Faiaoga ia Dr Vaitusi Nofoaiga ma le Faletua ia Mile e avea ma Pule o le Kolisi, i se faatōfālaiga a le Komiti o le Au Toeaina. O lea tofiga na mafua ina ua faaseetuagalu ai le Susuga ia Ma'afala ma le Faletua ia Lalokava, a o talia lo la malaga atu i Niu Sila mo le galuega Tausinuu i le Ekalesia i Otara. O le Susuga i le Faiaoga Fomai ia Nofoaiga

sa avea ma Sui Pule o le Kolisi, ma o ia o se faiaoga i le Feagaiga Fou ma o le faauluuluga foi o lea Matagaluega. Na amata lo la auaunaga faa-faiaoga i le Kolisi mai le tausaga 2007, ina ua mae'a le taumafai i le Kolisi ma le faailoga o le Bachelor of Divinity i le tausaga 2004, faapea ma le Masters of Theology mai le Iunivesite o Aukilani i le tausaga 2006. O le tausaga 2014 sa faauuina ai i le faailoga o le Fomai o le Tofāmanino i le Mataupu Silisili o le Feagaiga Fou (PhD) mai le Iunivesite o Aukilani, ona toe faaauau ai lea o lo la tautua i le Ekalesia i le galuega faa-faiaoga i le Kolisi. O le Faletua ia Mile o loo taitaia le Aoga Amata a Malua, faatasi ma le Mafutaga a Faletua o A'oa'o

ma Faiaoga i le Kolisi. O le Susuga i le Alii Pule ma lona Faletua o sui mai le EFKS Lower Hutt, le Pulega Ueligitone i Saute ma le Matagaluega Laumua o Aotearoa. Ia alofagia e le Atua lana auauna ma lona faletua o lenei ua taitaia le Sā o le Kolisi Faafaifeau i Malua faapea le Aoga Tusi Paia a Malua, i lenei vaitau o suiga tetele ua aafia ai Samoa faapea le lalolagi. A o le manulauti lava, o le tapenaina lea o le Aufaigaluega Faifeau ma Faletua o loo a'otauina i le Kolisi, auā lo latou ofoina o latou lava e fai ma ave feau o le Talalelei mo le galuega tala'i o le Ekalesia. Ia faamanuia tele le Atua i le Alii Pule ma lona Faletua i lenei tofiga tāua mo le lumanai'i o le Ekalesia.

Mai le itulau 1

amataina o le Polokalame o le Master of Theology. O le tau o lea foai, e \$50,000. Faafetai tele, i le Sosaiete a Malua Tuai mo lo outou agalelei e faia pea mo Malua.

Ou te avea lenei avanoa e fai ai ma sui o le Kolisi, e momoli ai le agaga o le faafetai tele, i le Komiti o Malua: Lau Afioga i le Taitaifono, Lau Susuga i le Toeaina, Asotasi Gu Time; Lau Susuga i le Failautusi o le Komiti, Lau Susuga i le Toeaina, Leaso Tupa'i; ma sui mamalu o le Komiti o Malua. Faafetai i lo outou alofa faapalepale faa-Tama aemaise o le tofā faa-le-Atua, sa taitaiina ai le faamoemoe o Malua, ua manuia ai lona sā folau, i lenei tausaga. E manatua ma le faafetai tele le tapuaiga malu a le paia o le Ekalesia, i le laulau o le fono tele a le Ekalesia Faapotopotoga Kerisiano Samoa, i Samoa nei ma atunuu i fafo: Lau Afioga i le Taitaifono, Lau Susuga i le Toeaina, Iosefa Uilelea; Lau Afioga i le Sui Taitaifono, Lau Susuga i le Toeaina, Tunumoso Iosia; Susuga i le Failautusi

Aoao, Vavatau Taufao, ma le Susuga i le Teutupe Aoao o le Ekalesia, Melepone Isara. Le mamalu o Tama o le Ekalesia, o Komiti eseese, o Matagaluega, o Pulega, ma Aulotu. O la outou tapuaiga tatalo, ua manuia ai faiva o Malua i lenei tausaga.

Faafetai tele i le tapuaiga a Matua ma Aiga. E lei faatafa la outou lagolago ma la outou fesoasoani mai i a'oa'o ma faletua ma nai fanau, i lo latou aumau ai i Malua. O le faaauuina lava lea o le faatinoga o la outou tausi faa-matua, mo a outou taulaga tagata ofoina mo le Atua. Faafetai, o lea ua tau i manū galuega o lenei tausaga.

E faaleoina foi le agaga faafetai tele i Matagaluega a Malua ma Aana, ona o lo outou talisapaia o felaugaiga a le Kolisi mai i tausaga e tele ua mavae ma o loo faaauuina pea, e pei ona iai i lenei tausaga. E manatua foi le agalelei ma le fesoasoani mai o le Matagaluega a le Itu-oTane i le galuega faamasani a le Tausaga Tolu o lenei tausaga. Faafetai tele, i lo outou alofa ia Malua, ona o le Atua ma le Talalelei.

Le vasega faaiuso o lenei tausaga, malo folau, malo tautua. O lea ua tau-i-fanua la outou faatautaiga. E le faigofie le soifua aotauina ae matagofie, aemaise lava ina ua tuu malie le Kolisi a le Ekalesia, mo isi tupulaga o loo fai mai. Ia faaagaina lo outou soifua i soo se galuega a le Ekalesia e finagalo ai le Atua.

Lau Susuga i le Sui Pule ma le Faletua, ma le Au-Faigaluega, faamalo galulue. Tou te le'i 'alo lava i le ata o le niu, ona o lo outou naunau ia lelei le faatinoga o le valaauina, mo fanau talosia a le Ekalesia. Ia faamanuia tele le Atua, i lo outou soifua auauna.

Manuia tele le Kerisimasi ma le Tausaga Fou.

Vaitusi Nofoaiga

PULE O LE KOLISI

FA'AMAVAEGA MA REV. MA'AFALA LIMĀ & LALOKAVA

“O le i'uga o seisi faamoemoe taua o le amataga foi lea o leisi faamoemoe fou.”

O le masina o Iuni 2021 sa fai ai le faamavaega ma lē sa tula'i ile foe ile tofiga o le Pule o le Kolisi Faafaifeau i Malua ia Rev. Maafala ma le faletua ia Lalokava Limā. Ua la'ua talia le valaau a le Atua e ala ile aulotu EFKS i Otara Niu Sila.

E vaiaso atoa na faatinoina ai le faamavaega a le Kolisi i Malua ma le susuga ia Maafala ma Lalokava faapea le nofo-a-alo. Na amata i le tofi mulimuli a le susuga ia Maafala i le Aso Sa 13/06/2021. Sa faatino ai e le Kolisi le toanai, le tali lauga ma palapala a malō. Taualuga le vaiaso o le faamavaega ile 'aiga faale-aiga (fellowship meal) e pei ona masani ai le Kolisi i Malua i le Aso Tofi 17/06/2021. Saunia e le Kolisi faaaloaloga masani faapea le meaalofo tupe mo le susuga ia Maafala. E lē gata i lea na taua'aoina foi le faalavalava, meaalofo eseese faapea le tupe a le Mafutaga a Tinā a Malua mo le tinā ia Lalokava ona o lona foi sao taua ile Mafutaga mo tausaga e tele. Sa faapea foi ona tali fuaitau le susuga ia Maafala ma Lalokava i faaaloaloga mo le alii pule tofia ia Vaitusi Nofoaiga, le aiga faiaoga, mafutaga a tinā, peresitene ma le failautusi o le mafutaga a a'oa'o ma faletua, le nofoāsu'ega, faapea itutino eseese o le Kolisi.

E tele ni matātī'a iloga sa ausia e le Kolisi i Malua a o avea le susuga ia Maafala ma pule ae o le a folasia na o ni nai vaega. O le talia aloaia (accreditation) o le polokalame o le Bachelor of Divinity (BD) with Honours Level 8 e le Samoa Qualification Authority (SQA). O le Study Center a Malua e faaoga ai tomā ma agavaa a a'oa'o ma faletua e fesoasoani tele ai i meaoga a fanau a le Kolisi o loo a'otauina i Samoa. O le soifua finau o Maafala mo fanau a'oga a le Kolisi na maua fua mai ai le pasi faamalū lapo'a mai le malō sa faaoga mo taligāmalō o le Small Island Developing States (SIDS) i le 2015. Sa faamalosia foi e Maafala ma Lalokava le itu tau soifua maloloina o a'oa'o, faiaoga ma faletua e ala i polokalame faamalositino e pei o le Zumba, Tabata ma le 'au netball a faiaoga ma faletua. Sa toe lalaga foi e le susuga ia Maafala le faia o togāla'au 'aina faapea ma'umaga a le Kolisi mo ana taligāmalō faapea le fofoga taumafa. O le lauga faamavae a le susuga ia Maafala i le ekalesia i Malua sa toe faamanatu ai e le pule tofia ia Nofoaiga, o se tasi lenei o faiva

alofilima sa faatamaoigaina ai e le Atua lana auaua ia Maafala o le lauga ma le folafolaina o lona finagalo. O nisi ia o sao taua a le susuga ia Maafala ma Lalokava sa atagia ai lo la naunautaga ile soifua atoa o faiaoga, a'oa'o, faletua ma fanau i la le tino, mafaufau ma le agaga.

Sa ulufale Maafala ma Lalokava i Malua i le masina o Fepuari 1986, faai'uina le taumafai ina ua ma'ea le fa (4) tausaga ia Tesema 1989. Sa tofia i la'ua e le Komiti o le Autoeai'ina e faasikolasipi i le Kolisi Faafaifeau i Fiti (PTC) mai le 1990 – 1992 ma le faamoemoe e toe aga'i mai e fai ma faiaoga i Malua. I tausaga o le 1993 - 1995 na mua'i fai ai i la'ua ma faiaoga ile Kolisi Faafaifeau i Malua i lalo o le matagaluga o le Mataupu Silisili. Na toe filifili Maafala ma Lalokava e le EFKS e faauau le taumafai i le Princeton Theological Seminary mai le 1996 – 1997. Faai'uina le taumafai ma toe valaauina e galulue i Malua mai le 1998 – 2003. Sa toe agai i Ausetalia mo le faalauteleina atili o le tomā i le Mataupu Silisili mai le tausaga 2003 – 2006. Na valaauina e le EFKS i la'ua i le tausaga 2007 e toe aga'i mai e galulue faafaiaoga i Malua.

O le masina o Aokuso i le tausaga 2009 sa filifili ai e le Komiti o Malua ia Maafala ma Lalokava i se tasi o tofiga maualuga i le Kolisi Faafaifeau o le avea lea ma Sui Pule. Sa la'ua umia lea tofiga o le Sui Pule o le Kolisi mai le 2009 – 2014. Ae o le Fonotele a le EFKS ia Me o le 2015 sa tofia ai loa e tamā o le Ekalesia e fai ma ta'ita'i o le Kolisi i Malua e ala i le tofiga Pule, o le faafeagaiga foi o le Ekalesia i Malua. Na avea i la'ua ma Pule o le Kolisi mo tausaga e fitu (7). E valaauina Maafala ma Lalokava e fai ma faafeagaiga o le ekalesia i Otara NZ ua silia ma le 30 tausaga o tautua punoua'i i le Kolisi Faafaifeau i Malua. O le fetalaiga ia Lefaoese ma Ulumū, “Ua se togi le seu lagatila, ua e faapulou i le tuālima, ua faamalo fai o le faiva.” Ua faamalo le tauivi ma le finafinau. Ua faamalo le galulue punoua'i. Ua faamalo i lo ouluga alofaiva ma le lē faalogologotigā, ina ia manuia le Kolisi Faafaifeau i Malua. Ia alofagia e le Atua le valaauina auā o le gataaga o le soifua tautua i leisi valaauina o le amataga lenā o le soifua faaogaina mo isi foi tofiga mai le Atua.



TOFIGA O LE SUI-PULE O LE KOLISI I MALUA, 2021



I le mae'a ai o le fono a le komiti o Malua na faia ia Aokuso, ua filifilia ai le Susuga i le Faifeau Faiaoga ia Makesi Neemia ma le faletua ia Torise i le tofiga o le Sui Pule o le Kolisi. O le Susuga ia Neemia o se faiaoga o le Feagaiga Tuai, ma o loo faauluulu foi iai lenei matagaluega. O le faletua ia Torise e faiaoga ile Iunivesite Aoao i Papaigalagala. O i laua o sui o le EFKS Letogo, Pulega Vaimauga Sasa'e. Ia manuia tele le feagai ai ma tofiga ua valaauina ai.

FAAMAVAEGA MA REV. MELEPONE & TUPE ISARA



O Melepone ma le faletua ia Tupe Isara sa filifilia e le Fonotele 2021 e se'e i se tasi o tofiga maualuga o le Teutupe a le EFKS. O le tausaga lava lenei sa faauuina ai le Faifeau Samoa (FS) a le susuga ia Melepone ma Tupe ae ua faamanuaina ai foi i lea tofiga e ala i le palota a sui auai o le Fonotele i Samoa ma atunuu mamao sa auai mai e ala i upega tafa'ilagi (Zoom). O Melepone sa fai ma faiaoga Malua i lalo o le matagaluega o le Feagaiga Tuai, ma o ia foi sa tauavea mai le tofiga Bursar a le Kolisi.

O le Aso Sa 6/6/2021 sa lauga faamavae ai le Susuga ia Isara, ma faia ai se toanai faamavae i lea lava aso. O le Aso Tofi 1/7/2021 sa faia ai le aiga faa-le-aiga (fellowship meal) e pei

ona masani ai le Kolisi, e faamavae atu ai i le Susuga ia Isara ma le aiga. Sa faia foi faaaloaloga masani a le Kolisi faapea le meaalofoa tupe mo le teutupe, le faletua ma le aiga. Sa faaaloalo mai foi Melepone ma le aiga mo le Kolisi ile susuga i le i le alii pule, le aiga faiaoga faapea le nofoāsuaga ma itutino eseese o le Kolisi. O le Susuga i le Faifeau Fomai Faiaoga ia Alesana Palaamo sa tuvaola lena afiafi, ma sa saunoa foi e fai ma sui o le Alii Pule ma le Kolisi e faafetaia le sao taua o le Susuga ia Isara ma le faletua i totonu o le Kolisi. Sa saunoa faaiu le Susuga i le Alii Pule i lea afiafi, ma maea ai lea po i le fiafia ma le manuia. Faamanuia le Atua i lo lua valaauina i le tofiga o le Teutupe a le EFKS!

MALUA BIBLE SCHOOL REPORT

O le Fonotaga a le Komiti o Malua ia Mati na taliaina ai le faamatuuina atu o le Susuga i le Sooupu a la tatou Aoga Tusi Paia, le Susuga ia Dr. Latu Latai ma le faletua mo le valaau a le EFKS Apia. Ae na faatoa tuua aloaia le Kolisi ma le tofiga i le maea ai o le Kuata Lua i le masina o Aokuso. Sa tofiaina ai loa lo'u tagata e faaauuina le tofiga o le Sooupu mo le vaega o totoe o lenei tausaga.

O loo sologa manuia lava le agaiga o la tatou Aoga Tusi Paia, e le gata i Apia nei ae faapea ai foi ma vasega i Salelologa i le motu tele i Savaii. O loo toatele pea foi sui aoga o auai i nei vasega ma latou o loo ofi mai pea e pei foi o lenei kuata 3. O loo faatinoina foi aoga a le lala o le MBS i Sini Ausetalia i le manuia i lalo o le faatautaiga a le Toeaina ia Malifa Malifa ae o loo faagasolo foi le faataatinaina o le lala o le aoga i Aukilani Niu Sila. O loo faamoemoe e ono amatalia lea lala o le aoga i le tausaga fou pe a tusa ai ma le faatasi mai o le Atua. O lenei

lala i Aukilani o loo faamaopopo lava e susuga i faafeagaiga na galulue foi Faafaiaoga i le Kolisi i Malua.

E avea ai foi lenei avanoa e faafetaia ai le galuega sa feagai ma le Susuga ia Latai faapea moomooga alofa mo le galuega ua valaauina iai ma le faletua ia Lotu. Faamanuia le Atua. E fai foi ma sui o le Susuga i le Alii Pule ma le Kolisi e momoli atu ai le agaga faafetai tele le Susuga i le Toeaina ia Leaso Tupai, Toeaina o le Matagaluega ma le Aufaigaluega ma aulotu o le Matagaluega a Fa'asaleleaga mo le taliina ma le tausaina o Faiaoga o loo faapea ona faasolosolo atu i Kuata taitasi o lenei tausaga mo le faatinoina o lenei faamoemoe i Salelologa. Faamanuia le Atua. Faafetai foi ia i latou o loo lagolagoina la tatou Aoga Tusi Paia i soo se itu. Ia tatou maua se Kerisimasi fiafia ma se Tausaga Fou manuia.

Makesi Neemia (Sooupu Aoga Tusi Paia Malua)

FA'AMAVEGA MA REV. DR. LATU & LOTU LATAI



O le fonotaga a le Komiti o Malua ia Mati, 2021, na talia aloaia ai le faamatuuina atu o le Susuga i le Faifeau Fomai Faiaoga ia Latu Latai ma le Faletua ia Lotu ma le aiga i le galuega faa-Faafaifeau tausi nuu. O le Susuga ia Latu ma lona faletua na autasi iai le filifiliga a le ekalesia EFKS i Apia e avea ma o latou faafeagaiga. E faamavae atu le Kolisi i le Susuga i le Faifeau Fomai Faiaoga ma lona faletua ua 20 tausaga o iai i totonu o le Kolisi, pe a fua i le taimi na ulufale mai ai i le tausaga e 2000. O le ala foi lea o le lē faigofie ai ona faamavae atu o le Kolisi i se tasi ua loa ma ua iloga lona sao mo le Kolisi Faafaifeau a le Ekalesia.

E faamavae le Susuga ia Latu Latai o loo avea ai ma faaululuga o le Matagaluega o le Talafaasolopito o le Ekalesia. O le Susuga foi ia Latu o le Sooupu tofia o le Aoga Tusi Paia a Malua. E pei ona silafia e tuua e le Susuga i le Faifeau Faiaoga lea tofiga ua tau le tasi o miti a le Aoga Tusi Paia o le amatalia lea o se lala o le Aoga Tusi Paia a Malua i Ausetalia e pei ona amataina i lenei tausaga faatasi ai ma le faatuputupulaia pea o le fuainumera o sui auai o le Aoga Tusi Paia a Malua mai lea tausaga i lea tausaga. O se tasi o vaega taua o le auaunaga a le Susuga i le Faifeau i le Aoga Tusi Paia o le faaauauina pea lea o faatalatalanoaga i mataupu faa-le-Tusi Paia i luga o le ala ata o le Televisi a le Ekalesia le EFKS TV, ma na molimauina ai le toatele o le mamalu o le atunuu na molimano i lea foi polokalame taua.

O le aso Sa aso 1 o Aokuso na taitaia ai e le susuga ia Latu Latai le Faamanatuga o lea masina ma faia ai le toonai mulimuli a le aiga faiaoga. Ao le aso Tofi, 5, o Aokuso, 2021, na faia ai le aiga faa-le-aiga e pei ona masani ai e faamavae atu ai le Susuga i le Alii Pule ia Vaitusi Nofoaiga ma le Faletua ia Mile, faapea le Kolisi i le Susuga ia Latu Latai ma le aiga. O le Susuga i le Sui Pule ia Makesi Neemia na fai ma

fofoga o lea po. E ese foi lagona o lea afiafi, aua e le gata na faafetaia ai le sao tele o le Susuga i le Faifeau Fomai Faiaoga ma lona Faletua i le Kolisi, ao lagona foi o le misia ai o i laua mai le saofaiga a le aiga faiaoga. O le Faletua o le Susuga i le Alii Pule ia Mile Nofoaiga na fai ma fofoga o le mafutaga a Tina na te faaleoina le agaga

faafetai i le Faletua ia Lotu i lona sao tele i le mafuataga. E le gata i le aoao atu i faletua o Aoao mo le tapenaga mo le galuega i le lumanai ao lana auaunaga foi i le Aoga Faataitai a Malua mo alo ma fanau a Aoao ma Faiaoga. Na faaali le valevale alofa o le mafutaga a Tina e ala i la latou aiava faatasi ai ma le meaalofa tupe na saunia e le mafutaga a Faletua o le Kolisi. O le Susuga i le Sui Pule ia Makesi Neemia na saunua lava i lea po e fai ma fofoga o le Susuga i le Alii Pule ma le Kolisi e faafetaia le Susuga i le Faifeau. Na saunia foi e le Susuga i le Alii Pule ma le aiga Faiaoga ma le Kolisi ie o le malo faatasi ai ma le tupe e fai meaalofa ai i le Susuga i le Faifeau aemaise ai o le aga atu mo lo laua faamoemoe i se taimi o le faaiuga o lenei tausaga. Na tali fuaitau le Susuga i le Faifeagaiga faaolioli ma faaleoina le agaga faagaectia ona o le faamoemoe o lea afiafi ae o le maau ma le milosia o le Kolisi mo laua ma le aiga. Na toe saunia foi e le Susuga i le Faifeau Faiaoga Fomai ma lona Faletua ma le aiga meaalofa tupe mo le Susuga i le Alii Pule ma le aiga faiaoga, faapea nisi o magavai e pei o le Mafutaga a Tina, Aoga aso Sa, Study Center, Literacy, ma le Aoga Faataitai. Na to foi faamanuiaga mo le Susuga i le Alii Pule ma le aiga Faiaoga ma le Kolisi. Na toe saunua le susuga i le fofoga o le po le Susuga i le Sui Pule e faafetai le maau ma le milosia ma le faaalalo maua luga na maau iai le Susuga ia Latu ma le Faletua ma le aiga. Ona taua luga lea o lea afiafi i le saunoaga faaiu a le Susuga i le Alii Pule o le Kolisi ia Vaitusi Nofoaiga, ma toe faaleoina ai le agaga faafetai faatasi ai ma faamanuiaga mo le Susuga i le Faifeagaiga faaolioli a le Ekalesia i Apia ma lona faletua ma le aiga mo lo laua faamoemoe ma le valaauina. Na faaiu i le tatalo ona maea ai lea i le manuia lea afiafi. **Ua malie toa ua malo tau!**

FA'AMAVAEGA MA REV. APELA & FOKETI AH HIM



O le Aso Sa mumua o Setema 2, 2021 na lauga faamavae ai le susuga i le faifeau ia Apela Ah Him ile Kolisi o Malua ona o le a malaga atu ma le faletua ia Foketi ma le fanau i le galuega faafaifeau i Amerika. Na tapena e le Kolisi le toonai ma teuga uma e faamatagofie atili ai lena asoSa mo le faifeau ma lona aiga; sa tali faaaloalo ma faimealofa mai foi le susuga ia

Apela ma le faletua ile Kolisi.

O le aso Tofi 9 Setema 2021 na faia ai loa le fiafia faamavae a le Kolisi ma le susuga ia Apela ma le aiga, ma na molimauina le matagofie o lea po e le gata ile taumafataga a o faafiatiaga malie foi na saunia e alii aoao ma o latou faletua.

O le susuga ia Apela sa galue i le Matagaluega o le Feagaiga Fou mo le 4 tausaga ina ua maea le 2 tausaga ile Aoga Tusi Paia a le Kolisi Malua. E iai nisi tofiga ma agavaa o le susuga ile Faifeau faiaoga i ona taimi i le laumua. Sa taitaia le vaega o le aufailafumanu, sui o le Staff Social komiti a o ia foi sa avea ma faiaoga (coach player) o le au taalo netipolo a le Kolisi.

ITULAU FAIAOGA

Sooupu mo le MTh program (MTh Coordinator)

Ua tofiaina nei le Susuga ia Dr. Arthur Wulf e tauaveina le tofiga o le Sooupu o le MTh Program e pei ona pasiaina ai e le Komiti o Malua le amatalia ai o le MTh program i le tausaga fou 2022. O le a feagai le Susuga ia Wulf ma tusi talosaga faapea le iloiloaina o tusiga o fia faia e le sui aoga mo le faailoga.

Sooupu Aoga Tusi Paia Malua (MBS Coordinator)

Ua filifilia foi le Susuga ia Makesi Neemia e suitulaga ia Dr. Latu Latai sa tauavea lenei tofiga ona ua talia le faamatuuina atu mo le galuega tausinu i le EFKS Apia. Na amatalia lea suiga i le maea ai o le Kuata 2.

Librarian

Ua tofia foi le Susuga ia Dr. Alesana Palaamo mo le taitaia o le Faletusi a le Kolisi. O ia ua suitulaga ia Maafala Lima ma Latu Latai sa feagai ma lea tofiga ina ua faamavae i laua nei mo le galuega tasi aulotu.

Bursar

O le susuga ia Dr. Malutafa Faalili o loo avea nei ma Bursar a le Kolisi na te faatautaia le tausaiaina o tusi a le Kolisi e suitulaga ia Melepone Isara ua tuua le galuega nei ona o isi tofiga a le Ekalesia e ala i le tofiaina e le Fonotele 2021 e avea ma Teutupe Aoao a le EFKS.

Samoa Journal of Theology

Ua amataina nei le tuufaatasiga o le Samoa Journal of Theology a le Kolisi ma le faamoemoe e fia faalauiaina le lomiga muamua i se aso o le Tausaga Fou 2022. O lenei Journal e ese mai i le lomiga o le Malua Journal masani e pei ona faatauina i tausaga taitasi i le taimi o le Fonotele. O le lomiga lea e tusia i le gagana Samoa uma tusiga o iai. Ao le Samoa Journal of Theology e moomia le ave o tusiga ini faiaoga iloga o loo aoaina mataupu o lea tusiga e iloiloaina ona faatoa mafai lea ona lolomiina i lenei Journal. O se suiga tele mo le aufaigaluega i Malua e faalauiola ai a latou suesuega ma mafaufauga i mea o loo aoaina i le Kolisi. O lenei faamoemoe i lona tau tuufaatasia o loo feagai ma le susuga ia Dr. Samasoni Alama.



FA'AMAVAEGA MA REV. FILEMONI & ALOFA CRAWLEY



I le maea ai o suega faaiu a le Kolisi i lenei tausaga, sa faia ai foi se fiafia faaleaiga a le Alii Pule ma le Kolisi, e faamavae atu ai i le Faifeau Faiaoga

ia Filemoni Crawley, le faletua ia Alofa, ma le nofoaalo. O le Susuga i le Faifeau Faiaoga ma le aiga ua valaau mai ai le Ekalesia i Te Atatu, i Aukilani i Niu Sila, e avea ma a latou Feagaiga. O le Susuga ia Filemoni ma le aiga, na ulufale mai e avea ma faiaoga o le Kolisi i le tausaga 2017, ina ua iu manuia mai le taumafai i le PTC i Fiti i le faailoga o le Masters of Theology with Distinction.

O le Susuga i le Faiaoga sa galue i le Matagaluega o le Faivaalofilima o le Mataupu Silisili (Practical Theology). E faaopoopo i isi ana tiute e tele, sa ia vaaia ai foi le canteen a le Kolisi seia oo ina faamavae. Maitauina lava le tulaga ese ma le maoa'e o lea auunaga i totonu o le laumua, aemaise lava i taimi e gasolo mai ai le Ekalesia i taimi o le Fonotele. Aua sa tua iai le Ekalesia, faapea foi le Kolisi atoa i le canteen i taimi uma. O le Faletua ia Alofa, ua tele lona sao i le mafutaga a tina, ma sa galue foi faa faiaoga Aso Sa. O le tuua ai e le Susuga i le faiaoga ia Filemoni ma Alofa ma le aiga o le Kolisi, ua misia ai lava e le Alii Pule ma le aiga Faiaoga ona o le tele o lo la sao taua i totonu o le Kolisi. Aua o le Susuga i le Faifeau Faiaoga ma le Faletua, e tamaoaiga lava i le tele o taleni ma agavaa, ua manuia ai le Kolisi. Manuia tele le valaauina ma le malaga atu ina atunuu. O manū tatou te tetea ai, o manū foi tatou te toe feiloai ai.

MOTU LE PA AE UA ILOA

LAULAU MAFUTAGA AOA MA FALETUA 2022

I le maea ai o se fonotaga o le Susuga i le Alii Pule ma le aiga Faiaoga, ua tofia ai le Susuga i le aoao ia Pelenato Liufau ma le faletua ia Susana, e avea ma Peresetene o le mafutaga a aoao ma faletua, 2022.

Ua tofia foi le aoao ia Faafetai Koria ma le faletua ia Jeddah, e avea ma Failautusi o le mafutaga, 2022. O le afiafi o le Aso Faraile 19 Novema, na tofia ma lauina aloaia ai le laulau o le mafutaga i luma o le nuu.

O lea lava foi afiafi, sa faafetaia ai e le Alii Pule le Susuga ia Penehuro ma Feagiai Lilomaiaava (peresetene 2021), faapea le Susuga ia Navy ma Amiaifolau Lutua (failautusi 2021), i faiva na feagai ai ma i latou i lenei tausaga, ma faamanuia ai i le laulau tofia. Manuia tele lo outou tulai mai e taitai le mafutaga a aoao ma faletua i le tausaga 2022.

BTh SQA ACCREDITATION

O le aso 16-18 o Iuni i le tausaga nei, sa faatinoina ai le Accreditation Assessment o le faailoga o le Bachelor of Theology a le Kolisi, i lalo o le vaaiga a le Samoa Qualification Authority (SQA). I lena tolu aso, sa faatinoina ai interviews ma sui o le Komiti o Malua, le Alii Pule ma le aiga faiaoga, administration staff, library staff, faapea foi i aoao ma faletua o le Kolisi. E aofia i le Accreditation Board sui o Iunivesite mai fafo, sui o le matagaluega o aoga, faapea se sui o aoga fa'a-faifeau i Samoa nei, ma sa auai mai i le Zoom sui mai atunuu mamao. I le mae'a ai o lenei accreditation process, ua faamauina ai i se taimi mulimuli ane, le talia aloaia ai o le faailoga o le Bachelor of Theology a le Kolisi, faatasi ai ma ni nai tulaga e faaleleia ina ia faamautuina ai. O le ausia ai e le Kolisi o lenei accreditation process a le SQA, o se laasaga taua tele lava lea mo le agai i luma o tulaga tau aoaoga a le Kolisi.



Pelenato & Susana Liufau



Fa'afetai & Jeddah Koria

Tusi Mo le Suega Ulufale Malua 2022

Feagaiga Tuai:

1 Nofoaiga Tupu

Feagaiga Fou:

Mataio

MALIU O LE AOA - PERITI TAUAPAI



“... Na foa'iina mai e le Alii, ua aveeseina fo'i e le Ali'i; ia faamanūina le suafa o le Alii.” (Iopu 1:21). O le aso 18 o Me 2021 sa faamānavaina ai e le Atua le tauiviga a le susuga ile alii a'oa'o o Periti Tauapa'i ma se tasi o kanesa ua le aoga iai se togafitiga faa-foma'i. Sa soifua mai le a'oa'o ile aso 7 o Tesema, 1995. E valaauina e le Atua Periti faato'a 25 ona tausaga. O ona matua o le susuga ile faafeagaiga o le afioaga o Lalovi i Mulifanua ia Rev. Tauapa'i ma le faletua ua tuumalo fo'i ia Anevili Tufi. Sa faatinoina toe sauniga o le susuga ile a'oa'o i le Fale Iupeli i Malua. O le faafeagaiga EFKS o le afioaga o Periti i Faleasiu ia Temoteo Tapelu (FS) sa faia le sauniga lotu ile fale maliu. O le ta'ita'i o toe sauniga o Periti o le susuga ile Faifeau Toeaina, o le Taitaifono foi o le Komiti o tamā o le Ekalesia ia Asotasi Gu Time. O le faitauina o le Tusi Paia, Talosaga, ma le Upu faamafanafana sa gapatia ai sui o le Komiti o Malua. Sa tauaoina foi le meaalofo tupe a le Ekalesia mo le aiga o Periti. O le Kolisi i Malua sa usuina uma pese o toe sauniga o Periti. O le susuga i le Pule o le Kolisi i lea vaiata ia Maafala Limā sa molimau mo Malua. O vaega uma o le lauava o le susuga i le a'oa'o sa fesoasoani ai le Kolisi i Malua. Sa auai le Kolisi atoa i Faleasiu i le nofoaga o le oliolisaga

tumau o le susuga ia Periti. Na faia faaaloaloga uma a le paia o aiga e fia mo susuga i tocaiina, faafeagaiga ma nisi o malō sa auai. Ae sa toe ma'au foi aiga o Periti i ana faaaloaloga ma taumafataga mo le susuga i le alii pule ma le faletua, le aiga faiaoga ma le Kolisi atoa. E maliu Periti o loo tausaga lua ile Kolisi Faafaifeau i Malua. Sa ulufale i Malua ile tausaga 2020 ma e maliu e le'i faia sona aiga. Molimauina e le to'atele o Periti e matua'i faamoemoeina tele i totonu o lana vasega ma le Kolisi aemaise ai i lana taleni o le musika. E tau leai nisi e pei o Periti e iai le silafia ile faafocina o le okeni. O se tasi foi nei o asafu na amata ta mai lava i lona tausaga muamua i le okeni a le Kolisi Faafaifeau i Malua i sauniga eseese e oo lava ile Aso Sa. O se tala'aga pu'upu'u o le soifua o Periti ae le'i ulufale mai i Malua. I le tausaga 2001 – 2008 sa auai ai Periti i le Aoga Tulaga Lua i Malisi, sa avea ai o ia ma Head boy i le tausaga i'u. O le tausaga 2009 – 2012 sa a'oa'oina ai i le Kolisi o Samoa ma sa Head boy ai foi i lona faai'uaso. Sa faaauauina lona soifua a'oa'oina ile Iunivisite o Samoa i le 2013, Iunivesite o Vitoria i Ueligitone NZ i le 2014 – 2016 i lalo o le matāgaluega o le School of Mathematics, Statistics and Operations Research. A o le i ulufale mai i le Kolisi Faafaifeau i Malua, sa galue Periti o se faiaoga o le Matematika ma le Musika i le Kolisi o Nu'ausala mai le tausaga 2016 – 2019. O se auauina e faamaoni ma faatuatua. Ia manuia le malaga lau susuga i le A'oa'o Malua Periti Tauapa'i, maua sou nofoaga mau i le lagi le nofoaga o loo tausinō uma iai le 'au faatuatua.

MALIU O LE AOA - NILI ALOI

“... O a'u nei o le toe tu ma le ola; o lē faatuatua mai i a te a'u, e ui lava ina oti, a e ola lava ia.” (Ioane 11:25)

O le aso 22 o Aokuso na logoa ai le Kolisi Faafaifeau i Malua i le tala faanoanoa ina ua maliu faafuasei le Susuga i le Aoa Tausaga Lua poo le Susuga i le Maaveave matua ia Nili Alo. O se tala na matuā lagona ai le ootia loloto o le Susuga i le Alii Pule o le Kolisi ia Vaitusi Nofoaiga ma le Faletua, le aiga Faiaoga ma le nofo a Suega. Aemaise o lea faatoa maea lava le Mafutaga Faafouina a Faifeau i le vaiaso lava lea sa auai le Susuga ia Nili i le faamuli, aemaise o le aufaipese faapitoa na faafiafia ai i lea mafutaga. Na ulufale Nili i Malua ia Ianuari 2020 i le 27 o ona tausaga ina ua manuia i le suega ulufale a le Kolisi ia Aokuso i le 2019. Na sue mai Nili i le ekalesia i Fugalei i lalo le taitaiga a le susuga i le Faafeagaiga ia Komisi Samuelu ma le Faletua ia Mercy i le Pulega a Faleata Sasae Matagaluega a Faleata. O ona toe sauniga sa faia lava i le Fale Iupeli i Malua i le aso 3 o Setema i le 2021 i le itula e 9 i le taeao. O le Susuga i le Taitaifono o le Komiti o Malua ia Asotasi Gu Time sa fai ma taitai o le sauniga, o le Susuga ia Amuia Seuala sa feagai ma talosaga, ao le faitauina o le Tusi Paia na saunoa iai le Susuga i le Toeaina ia Fili Matalavea, ao le upu faamafanafana na saunia e le Susuga i le Toeaina ia Siolo Tauati. Na toe faamanatu ai e le Susuga i le Toeaina e tusa ai ma le manatu autu o le lea aso “Ala mai” mo le Kolisi ma lefaaptopotoga ina ia mataala pea i faafatitama'i o le soifua ma le ola. O le Susuga i le Alii Pule ia Vaiatusi Nofoaiga sa fai ma sui o le Kolisi, na tapenaina le molimau, ao le Susuga i le Faafeagaiga ia Komisi Samuelu na faia le molimau

a le aulotu i Fugalei, faatasi ai ma le tina o Nili na saunoa e fai ma sui o le aiga. O nei molimau uma na matauina ai o Nili o se Aoa amio lelei toe tausafia i totonu o le Ekalesia ma le Pulega, o totonu o lona aiga aemaise o lona soifua aotauina i totonu o Malua. Na faaiu toe sauniga o le Susuga i le Aoa i lona oliolisaga tumau i Sataoa ma falelauasi ai. Na faailoa foi le valevale



alofo o le Susuga i le Alii Pule ma le Kolisi e ala i ie o le malo faatasi ai ma le meaalofo tupe na tuuina atu i nai ona matua ma le aiga e fesoasoani i peau faamavae o le Susuga i le Aoa. Ae na toe maaui foi le aiga ma matua o le Susuga i le Aoa i faaaloaloga mo le Susuga i le Alii Pule ma le aiga faiaoga ma le Kolisi i Malua. O le Susuga i le Sui Pule ia Makesi Neemia na fai ma fofoga o le Susuga i le Alii Pule ma le Kolisi, e faafetaia le maaui ma le faaaloalo maua luga na saunia e le paia o aiga i lea aso. *“O le ua manumalo, ou te faia lea ma poutu o le malumalo o lo'u Atua, e le toe ulufafo foi o ia ou te tusi foi iai le suafa o lo'u Atua, ma le igoa o le aai a lo'u Atua, o Ierusalem fou e alu ifo nai le lagi mai lo'u Atua, atoa foi ma lo'u igoa fou.” (Faailiga 3:12)*

ATA O LE KOLISI



TAAVALE A LE KOLISI

O loo faaaauau pea ona iai le auaunaga o taavale a le Kolisi, aua lava le femalagai ai o fanau a le Kolisi i aoaoga ma le toe foi mai. O nei foi taavale oloo faatautaiina lava e aoao. I lenei tausaga, ua faaopoopo ai se van fou a le kolisi, e sui tulaga ai i van tuai ua tele tausaga o faaogaina. O numera o taavale ua iai nei a le Kolisi, e 2 pasi, 2 van, ma le dyna e tasi. O loo faaaauauina lava ona faatinoina service o taavale, aua le faaleleia atili o lea auaunaga taua mo le laumua.



Vasega Faaiuaso 2021

Diploma Of Theology



A'oa'o: Samuelu Solomona Afutiti
Tausaga: 31
Nu'u: Vailima/Tulaele
Galuega sa galue ai: Sales Person (LeVai Co Ltd)
Faletua: Mane Afutiti
Tausaga: 33

Nu'u: Vailima/Tulaele
Matagaluega: Apia

Bachelor of Theology



A'oa'o: Ailepata Ailepata Leuta
Tausaga: 36
Nu'u: Falefa/Saleimoa/Satapuala
Galuega sa galue ai: Samoa Airport Authority
Faletua: Lautele Ailepata Leuta
Tausaga: 29
Nu'u: Leulumoea Tuai/Vailele/Toamua/
Falelatai/ Mulivai Safata

Matagaluega: Aana



A'oa'o: Aunese Anau
Tausaga: 37
Nu'u: Fasitoo Uta/Faleula
Galuega sa galue ai: Heavy Vehicle driver
Faletua: Fiona Anau

Tausaga: 36
Nu'u: Asaga/Foailalo
Matagaluega: Vitoria, Melepone Ausetalia



A'oa'o: Eletise Vainu'upo Palemene
Tausaga: 30
Nu'u: Moataa/Ulutogia/Vailoa Aleipata/ Faleu
Manono/Sapapalii
Galuega sa galue ai: Administration Officer –
Consumer Affairs Vitoria
Faletua: E le'i Faaipoipo

Matagaluega: Vitoria



A'oa'o: Faafetai Nepo
Tausaga: 34
Nu'u: Faatoia
Galuega sa galue ai: Coles Warehouse
Faletua: E le'i Faaipoipo
Matagaluega: Kuiniselani



A'oa'o: Iafeta Iese Vaopuka
Tausaga: 29
Nu'u: Fakafo, Tokelau
Galuega sa galue ai: AOD Counsellor
Faletua: E le'i Faaipoipo
Matagaluega: Fakafo, Tokelau



A'oa'o: Ioane Samuelu
Tausaga: 43
Nu'u: Lalomanu Aleipata
Galuega sa galue ai:
Faletua: E le'i Faaipoipo
Matagaluega: Lotofaga, Lepa Aleipata



A'oa'o: Kereveta Tiumalu
Tausaga: 42
Nu'u: Satapuala/Nu'usuatia/Vaitele-uta
Galuega sa galue ai: Toyota
Matagaluega: Kuiniselani i Sute
Faletua: Fa'anaitaua Lafaiiali'i Tiumalu
Tausaga: 44

Nu'u: Fa'atoia/Leauva'a/Falealupo




A'oa'o: Konelio Tuii Taumaloto
Tausaga: 34
Nu'u: Saleimoa/Saleaamua
Galuega sa galue ai: Faiaoga (Maluafou
College)
Faletua: Iota Tuii Taumaloto

Tausaga: 32
Nu'u: Letui



A'oa'o: Laveai Fonomaalii Sene
Tausaga: 34
Nu'u: EFKS Campbelltown/Foailalo/
Faletagaloo-Safune/Salua-Manono
Galuega sa galue ai: Despatch/Shipping Coord-
inator
Faletua: E lei faaipoipo

Matagaluega: Niusaelese Sisifo



A'oa'o: Metusela Ioane
Tausaga: 34
Nu'u: Salelologa/Lano/lalomanu/Ulutogia/Avao
Galuega sa galue ai: Faiaoga (Primary School)
Matagaluega: Fa'asaleleaga
Faletua: Avei Ioane Samoa
Tausaga: 27

Nu'u: Fogapoa/Pu'apu'a/Fa'ala



A'oa'o: Navy Lutua
Tausaga: 41
Nu'u: Saleimoa
Galuega sa galue ai: Ministry of Finance
Faletua: Amiaifolau Lutua
Tausaga: 41
Matagaluega: Malua



A'oa'o: Niutuiatua Onesemo
Tausaga: 39
Nu'u: Malaemalu/Vaitete-Tai
Galuega sa galue ai: Samoa Victim Support (SVSG)
Faletua: Cecilia Taefu- Onesemo
Tausaga: 39
Matagaluega: Faleata



A'oa'o: Paie Tapu Legalo
Tausaga: 30
Nu'u: Saleapaga/Fagalii/Fusi Safotulafai
Faletua: E lei fa'aipoipo
Matagaluega: Lotofaga Lepa ma Aleipata



A'oa'o: Penehuro Lilomaiaava
Tausaga: 54
Nu'u: Falevao/Lepa/Luatuanu'u
Galuega sa galue ai: Business Owner
Matagaluega: Kuiniselani i Saute
Faletua: Feagia'i
Tausaga: 52



A'oa'o: Tafatolu Tapaleao
Tausaga: 28
Nu'u: Toamua & Saanapu
Galuega sa galue ai: Faiaoga (SCC)
Faletua: E le'i faaipoipo
Matagaluega: Manukau



A'oa'o: Vauea Esau
Tausaga:
Nu'u:
Galuega sa galue ai:
Matagaluega: Le-Itu-o-Tane
Faletua: Susiefaafetai Vauea
Tausaga: 33
Nu'u: Auala/Tuanai/Falelima



A'oa'o: Visiesio Leilua
Tausaga: 38
Nu'u: Fusi Safotulafai
Galuega sa galue ai: Faiaoga
Matagaluega: Fa'asaleleaga
Faletua: Fa'apenu
Nu'u: Fatausi/Siufaga Falelatai

Bachelor of Divinity with Honours



A'oa'o: Beretia Unnang
Tausaga:
Nu'u: Kiribati
Galuega sa galue ai: Reverend
Faletua: E le'i faaipoipo
Matagaluega: Kiribati Uniting Church



A'oa'o: Dominic Taeleipu
Tausaga: 36
Nu'u: EFKS Dandenong / Afega
Galuega sa galue ai: Quality Assurance Metal Fabrication
Faletua: E le'i faaipoipo
Matagaluega: Vitoria



A'oa'o: Isaako Junior Iose
Tausaga: 35
Nu'u: Sapunaoa/Magiagi/Vailoa Palauli
Galuega sa galue ai: Lawyer
Faletua: E le'i faaipoipo
Matagaluega: Niusauelese



A'oa'o: Kapeni Matautia
Tausaga: 39
Nu'u: Maagiagi, Matautu Falelatai, Paia ma Samauga
Galuega sa galue ai: IT NUS
Faletua: Renolla
Tausaga: 34
Nu'u: Apia, Falealupo, Maagiagi
Galuega sa galue ai: MNRE
Matagaluega: Faleata



A'oa'o: Lancealotte Fasi Misa Alaimoana
Tausaga: 47
Nu'u: Gagaifo Lefaga/Vaimoso/Lauli'i
Galuega sa galue ai: Registered Anaesthetic Practitioner
Matagaluega: Kuiniselani
Faletua: Naomi Matamu Alaimoana
Tausaga: 50

Nu'u: Magiagi/Salua Manono
Galuega sa galue ai: Early Childhood Teacher



A'oa'o: Loia Jr Fiu Kolia
Tausaga: 29
Nu'u: Matautu-uta (Apia)/Sili/Lano/Tufutafoe/Vailele
Galuega sa galue ai: Senior Building Inspector (MWTI)
Matagaluega: Apia

Faletua: Easterakesa Kolia
Tausaga: 25
Nu'u: Vaice/Auala/Tuanai/Vaitele
Galuega sa galue ai: CSA, Sydney International Airport



A'oa'o: Peni Manila
Tausaga: 36
Nu'u: Faga/Fa'al Palauli/Vaitele Fou
Galuega sa galue ai: Faiaoga (Aoga Malo)
Matagaluega: Faleata
Faletua: Florence
Tausaga: 36

Nu'u: Tafagamanu Lefaga



A'oa'o: Sekuini Livigisitone Fiavaai
Tausaga: 41
Nu'u: Laulii/Moataa
Galuega sa galue ai: AOD Counsellor
Matagaluega: Manukau NZ
Faletua: E le'i faaipopo



A'oa'o: Tavita S Reupena
Tausaga: 49
Nu'u: Aleisa, Sasina, Salani, Fagamalo
Galuega sa galue ai: Pharmacist, Quality Assurance Officer
Matagaluega: Faleata
Faletua: Logosau

Tausaga: 40
Nu'u: Faiaai
Galuega sa galue ai: Radiographer



A'oa'o: Rev. Teratabu Takaria
Tausaga: 33
Nu'u: Kiribati
Galuega sa galue ai: Reverend
Matagaluega: Kiribati Uniting Church
Faletua: Tetera Teratabu
Tausaga: 34

AUAIGA KOLISI 2021

Auaiga Vaitusi & Mile Nofoaiga



Auaiga Makesi & Torise Neemia



Auaiga Arthur & Sina Wulf



Auaiga Taipisia & Vaisola Leilua



Auaiga Samasoni & Malavai Moleli



Auaiga Alesana & Lemau Palaamo



Auaiga Malutafa & Josephine Faalili



Auaiga Olive & Maria Samuelu



Auaiga Kara & Tuluiga Ipinui



Auaiga Filemoni & Alofa Crawley



Auaiga Clarke & Fofoga Stowers



Auaiga Tutoatasi & Fetu To'alima



Auaiga Leuelu & Panarama Setu



Auaiga Esera & Pauline Esera



RIPOTI MAFUTAGA AOA O MA FALETUA

O lenei ua faapopo oni aso ua, a'o aso folau fo'i ua le tuua, aua ua oo mai itu aso o le a tuuama ai le fua. O aso ua to'afimalie o aso fo'i ua loulou a, ae fai mai fetalaiga i le gataifale pe a sousou le sami ona o matagi malolosi, 'tuu i lalo le la fala, ae sisi ane i luga le la afa.

O lenei ua sili ofe a tautai matapalapala ina ua oo mai le taimi o le a malaga ese atu ai ae tuua le Laumua i Malua. E le faaititia le alofa tausai mai o le Atua, ona o le faigamala umi o lenei tausaga, e ao ai pea ona faafetaia lona agalelei ona ua aulia mai le faaiuga o lenei tausaga. E ui ina ua afea le malaga a le maliu ma le oti, i nisi o a'oa'o sa feanumi faatasi i le mafutaga, ae o loo manuia lava le lavaloa o le nuu atoa. Sa lelei lava le amataga o lenei tausaga, i polokalame faataititia mai e le Susuga i le Tama pule ma le aiga faiaoga. O le tele o taimi i le amataga o le tausaga, o le tau faamasani lea o le tausaga muamua i laasaga uma e ao ona savavali ai i totonu o le aai. O le tele o polokalame a le nuu sa faapea lava ona mulimulita'i alafua ua uma ona faataititia. O a'oa'oga I totonu o potu aoga, faapea le feagai ai o a'oa'o i taaloga ma galuega, o se vaega taua tele lea mo le ola ai i totonu o lenei aai. Sa faapea ona maua avanoa lelei i le mafutaga a faletua, ona ua le gata ina tele mataupu ua a'oa'oina ai i potu aoga, o taaloga, faapea ma a latou meataulima. O nai suiga laititi, ona o le

aafiaga o loo feagai ai pea ona o le faama'i o le Koviti 19. Ua le mafai ai ona mafuta ma nisi o a'oa'o sa faapea ona si'i ma'i atu i fafo.

O le faamalosi ma le tuualalo sa logopuiali'i ai pea le mafutaga ina ia maua le ola ma le malosi e faifaima fiafia ai ma maua pea le filemu o le Atua. O le faamanatu fo'i mo le mafutaga ina ia tautuana pea le va o vasega, e nofofilemu ai ma tausai le mamalu o lenei nuu.

Ou te manatu ua tele le tamaoaiga ua maua e le mafutaga a a'oa'o ma faletua i totonu o lenei nuu, ua le gata i le ola faaleagaga i la le Tusi Paia, ae ua faapea fo'i i la le tino, e ala i galuega faatino.

Ae avea ia lenei avanoa, e fai ai lo'u nei faatauva e momoli atu ai le Agaga o le faafetai tele i lau Susuga i le Ali'i Pule ma le faletua, Lau Susuga i le sui pule ma le faletua faapea le paia i le aiga faiaoga ma faletua ona o lo outou titi faitama, ma lo outou alofa aua fanau talosia a le Ekalesia. Ia faamanuia le Atua aua lo outou soifua ua ofoina aua lo outou soifua valaauina.

Ia faamanuia le Atua i le Kolisi ma fuafuaga uma o lenei tausaga. Ia maua se Kerisimasi fiafia ma se tausaga fou manuia.

Penehuro Lilomaiaava

Peresetene mafutaga a'oa'o ma faletua 2021.



Tausaga 2, 2021

ITULAU A FANAU

MALUAPAPA KINDERGARTEN (AOGA AMATA)

O le viiga ma le faafetai i e Atua e le faaititiia, ona o lona alofa ma lona agalelei e le mavae i lo outou soifua ma lo tatou nei ola, ua tau manuia ai aoaoga a le fanau i lenei tausaga 2021. O le aoga amata o loo i lalo o le taitaiga a le Alii Pule ia Vaitusi Nofoaiga, ma le faletua ia Mile Nofoaiga o lē o loo faaulu iai le Maluapapa aoga amata. i le amataga o le tausaga e to'a 30 le aofai o tamaiti, 17 tama ae 13 teine, alu a'i le gasologa o le aoga ua fa'aopoopo mai le to'a 5, e toalua teine ae toatolu tama, maua ai le to'a 35 o tamaiti. E oo mai i le kuata 3 ua toe 29 le aofaiga ona o nisi ua tuua le mafutaga a'o nisi ua amatalia i aoga tulaga lua (Primary schools). O tamaiti faau'u o lenei tausaga e to'a 18. O faletua o a'oa'o e galulue faatasi ma le faletua o le Alii Pule i le a'oa'oina o le fanau i kuata taitasi. O le faatinoga o lesone e mulimulitai lava i alafua ma taiala o mataupu a le ofisa o Aoga Amata a Samoa ina ia a'oa'oina lelei ai fanau laiti, o galuega faatino, pese ma tauloto e tataua lava ona faatatau agai i le lesone o le aso ma le ulutala o le vaiaso. O tagata, siosiomaga, o auala o fesoootaiga ma femalagaiga autu o lesone sa aoaoina ai le fanau mai le kuata muamua seia oo



i le kuta tolu. O taaloga, o siva faamalositino, o le writing ma le reading e faamalosia lava i taeao taitasi e a'oa'o ai le fanau i le tusiina o mataitusi ma fuainumera. Na asia foi e le Asosi o Aoga amata a Samoa (National Council of Early Childhood Education) le gasologa o polokalame ma galuega faatino a tamaiti ae le gata i lea o le itu tau i taaloga mo le faamalosia lava o le soifua maloloina o le fanau. Na fai meaalofo mai ai i mea taalo (playgrounds) o

loo faaaogaina. Na maua le meaalofo tupe mai le malo e \$9,000 mo le faatauina o vaega e fa'aaoga i lesone ma galuega fa'atino, TV faatasi ma mini playgrounds equipment e ta'aalo ai tamaiti... Na fai meaalofo mai foi le tatou Kolisi Faafaifeau i le \$5,000 mo nisi vaega e toe faaleleia aua le aoaoina o fanau. Na faaiuina polokalame o lenei tausaga i le latou polokalame o le kerisimasi...

E avefa ai lenei avanoa e momoli atu ai le agaga faafetai i le susuga le Alii Pule ma le paia o le aiga faiaoga ma outou faletua mo le tapuaiga, ua iu manuia ai faiva o lenei tausaga. E faafetai foi i matua mo le lagolagosua i lenei tausaga...Ia fai mea uma ma viiga o le Atua. Manuia tele le faaiuga o lenei tausaga..Faafetai,

Florence Nimo Manila

MALUA STUDY CENTER

Sa tulaga lelei lava le gasologa o le faatinoga o le Malua Study Center i le afa o lenei tausaga. Molimauina lava le aoga o le fesoasoani ua tuuina mo fanau mai i Faletua o Faiaoga, Aoao ma Faletua o loo faia pea le galuega fesoasoani i alo ma fanau a Malua. Talitonu foi le agaga o le a faapea ona maua ni iuga lelei mo fanau aemaise latou sa feagai ma suega i vasega mauaululuga e pei o le School Certificate (SC) ma le Secondary School Leaving Certificate (SSLC) faapea ai ma le Foundation Year a le NUS. Avefa ai foi le avanoa e faafetaia ai le sao o Susuga i Aoao ma

Faletua o le Vasega Faaiuso 2021 ona o lo outou sao i nei tausaga e tele sa outou fesoasoani ai i la tatou galuega fesoasoani mo alo ma fanau a Malua. Faapea foi i nai o outou alo ma fanau o le a tuua le nuu nei. Ia faamanuia le Atua. E le galo foi le agaga faafetai i le Susuga i le Alii Pule ia Vaitusi Nofoaiga ma le Faletua ia Mile mo le lagolagoina o lenei faamoemoe. Ia faamanuia tele le Atua i tofiga ua valaauina ai. Faafetai i lo tatou nuu i Faiaoga ma Faletua, Aoao ma Faletua ae faasili i alo ma fanau sa faaaogaina lenei auunaga e fesoasoani ai ia outou mea-aoga. Ia outou maua se Kirisimasi fiafia ma se Tausaga Fou manuia.



Tausaga 1, 2021

ITULAU A FANAU

MALUA LITERACY PROGRAM / MALUA FALETUSI
MO TAMAITI 2021

E muamua ona sii le viiga ma le Faafetai i le Atua ua maea le matou polokalame mo lenei tausaga 2021. O le faamoemoe lava o lenei polokalame, o le fesoasoani, ma faaleleia atili le faitau o alo ma fanau, i le gagana Peretania. Na amata lenei polokalame i le aso 8th Fepurari 2021 ae faauma i le Prize giving o le fanau ile aso 11th November 2021.

Ta'ita'i o lenei pokolame o faletua faiaoga ia Fofoga Stowers, Pauline Esera, Panorama Tavita ma Lemau Pala'amo. E valu sefulu ma le lua (82) tamaiti e auai i lenei polokalame.

O le aso 11 Novema 2021 na tufa le matou prizes mo nai fanau o le vasega fa'ai'uaso ma le alo o le Susuga Faiaoga ia Filemoni ma Alofa Crawley o le a tuua le matou mafutaga: Tafatolu Crawley, Alvyra Luatua, , Andrew Luatua, Ben Manila, Christian Onesemo ,Cyrus Onesemo, Daisy Alai-moana, Esau Vauea, Tauamo Matatia, Sam Visesio, Tavita Reupena, Tyra Luatua, Vesta Vauea,. O isi fanau na maua le **Most Committed prize**: Aneira Tagaloa, Faith Tagaloa, Faimata Tanumaloto, Peniel Sasa, Pulemau Upulasi, Benjamin Keilani. O le **Most Improved prize** na maua e Henry Leatigaga, ma Hilda Sasa. O le **Most Well-behaved prize** na maua e Mj Fialii, Faith Sebastian. O le **Homework prize** na

maua e Erenei Nofoaiga, Cyrus Onesemo. O le **Best group all round prize** na tutusa points o vaega e tolu: Robert Louis Stevenson group, William Shakespeare group ma Clive Staples Lewis group.

E momoli tele atu le faafetai i Lau Susuga Faafeagaiga ia Maafala ma faletua ia Lalokava Lima, Lau Susuga Teutupe o le Ekalesia Aoao Melepone ma faletua ia Tupe Isara, Lau Susuga Faafeagaiga Latu ma faletua ia Lotu Latai, Lau Susuga Faafeagaiga ia Apela ma faletua ia Fokeiti Ah Him ae maise le tou fanau mo le seleni e fesoasoani i le matou polokalame. Ia fa'atumu e le Atua mea ua fa'agaogaina ona o le tou agalelei ma le alofa. Ua matou lagona le alofa ma le agalelei o Le Atua ona o auala eseese ua maua ai tusi fou o alo ma fanau. O foliga o le fanau pe ā vaai i tusi fou o le fiafia ma le olioli ua iai ni tusi ese e faitau. Ua atili ona fiafia le fanau e faitau tusi . Faafetai, Faafetai tele lava.

E faafetai foi le Alii Pule o le Kolisi, ma le faletua, Sui Pule ma le faletua faapea foi faiaoga ma faletua le lagolagosua o lenei polokalame, auā se lumana'i manuia o alo ma fanau. E faafetaia foi faletua o aoao o loo fesoasoani tele i le faamao-poopoina o lenei faamoemoe.

Ia manuia tele le Kerisimasi ma le Tausaga fou.

Alofa atu,

Lemau Pala'amo



SIKOLASIPI A LE KOLISI

O Susuga i Aoao ia Isaako Iose, Tafatolu Tapaleao ma Peni Manila ma lona Faletua ia Florence ua filifilia e avea ma sikolasipi a le Kolisi i le tausaga 2022. E tulaga ese foi le faamoemoe o nei avanoa sikolasipi, ona o i latou nei o le a avea ma uluai Aoao ma Faletua e amataina le polokalame fou a le Kolisi o le Masters of Theology. E pei ona masani ai i tausaga taitasi, e auina atu lava Aoao i le Kolisi Faafaifeau i Fiti le Pacific Theological College e faapea foi i le Iunivesite i Otago e pei ona iai le tausaga na te'a nei.



ATINA'E A LE KOLISI

RIPOTI VAEGA PA POVI

E tumau pea le viiga ma le faafetai i le Atua ona o lana pule faasoifua i lo outou soifua ma le ola. Ao le ripoti lenei ole vaega ale Pa Povi ale Kolisi i Malua i lenei tausaga. O le atinae lenei o manu papalagi i totonu ole Kolisi, o le isi lenei vaega taua ole soifua aoaoina o alo ma fanau ale Ekalesia e fai ma luitau e luina ai le tafatolu ole ola taumafai, ole tino, mafaufau ma le agaga. Ua masani foi le toatele ole aufaigaluega faifeau i aga masani ale Kolisi, pe afai e faatino se galuega ile faamamaina ole pa povi, aua ole mea moni ele faigofie. Aua e vele ese uma le vao leaga, ae faaola le vao lelei.

I le taimi nei e 8 pa oloo faaaogaina mole atinae povi ale kolisi. Ma oloo talafeagai pea nei pa ma le aofai o manu oloo mafai ona tausia ile taimi nei, e tusa ai ma le fautuaga ale ofisa o lafu manu i Avele. E 26 le aofai o manu papalagi oloo iai ile taimi nei, e 17 povi lapopoa ae 9 povi laiti. I le faatumauiina pea ole ola maloloina o manu ole pa, oloo fesoasoani mai le vaega o lafu manu i Avele, e ala i vailaau

mole tausaiaina o manu faapea ma le fesoasoani malosi ale kolisi ile teuina ma le faamamaina pea o pa ina ia maua pea le vao lelei mo manu papalagi. I le taimi nei, o lea ua maea ona toe faia nisi galuega faaleleia o uaea, mo pa taitasi, ua mafai ona suiina uaea tuai i uaea fou, ina ia maua pea le saogalemu o manu ole lafu.

Ile taimi nei e toa 9 a'oa'o oloo galulue ile vaega ale pa povi. Tausaga muamua, (Fred/Opetaia), Tausaga lua; (Filipi/Isaako), Tausaga tolu:(Fraiser/Paul/Russell), Faaiuso (kapeni Matatia/Peni Manila). Ae avea lenei avanoa taua e fai ma sui o lenei vaega, I lalo ale taitaiga a le susuga ile Faiaoga ia Tutoatasi Toalima, e faailoa ai le agaga faafetai tele ale vaega ale pa povi ile susuga ile Alii Pule faapea le kolisi ona ole fesoasoani malosi ma le lagolagoina pea o taumafai-ga o lenei atinae taua e tua iai le kolisi i taimi e moomia ai. E momoli atu ai foi faamanuiaga i susuga i faaiuso ole a tuua le mafutaga, faafetai ma la laua sao i galuega ale pa povi.

I le ava ma le faaaloalo lava.

Peni Manila/Kapeni Matatia.

RIPOTI VAEGA MAUMAGA

O lo'o solosolo pea i luma le manuia o maumaga ma ua tao-to i se tulaga lelei i le faaiuga o lenei tausaga e ala i asiasiga. O lenei lava tausaga, e tolu asiasiga sa faia i kuata taitasi. O asiasiga sa faia i le kuata lua ma le kuata tolu, ua iai le faamoemoe o to'aga na o le a tua i ai le Kolisi i le tausaga fou, aemaise auaga taitasi.

O le kuata mulimuli sa feagai ai ma mugala i masina o Aukuso ma Setema ma afaina ai le ola lelei o talo, ae peitai o lea ua toe vaaia le ola lauusiina ina ua tetele timuga amata mai ia Oketopa ma faasolo mai ai le faaiuga o le tausaga.

O le kuata mulimuli lenei, sa fa'ase'e tuagalu ai le Susuga i le Faifeau Faiaoga Fomai ia Arthur Wulf mai le taitaiga o le Komiti o maumaga. Ua avea nei le Susuga i le faiaoga ia Kara Ipinui ma ta'ita'i o le Komiti, fa'atasi ai ma le lagolagosua a le Susuga i le faiaoga ia Leuelu Setu (sui taitai).

O le faamoemoe ma le naunautaiaga i le taitai komiti ma le

sui taitai, ia lava meaai ma mea taumafa e tua iai ma faaitiitia ai le faatau mai tua o talo mo mea fai, aemaise foi le fa'aoga ai se vaega o le fanua i lea foi atinae aoga.

O lo'o malu puipuia lelei le pa ma o le vaega a le Samoa Land lea o loo nafa ma le vaaiga o le pa ina ne'i sao mai i totonu ni puua ma satia ai maumaga.

E momoli le faafetai tele i le vaega o le Samoa Land, susuga i faaiuso sa taitaia le vaega i lenei tausaga, aemaise le galuega so'oso'o tauau a le auuso, susuga i lagolago, tausaga lua, ma tausaga muamua. E momoli foi le faafetai i le susuga a le Tamā Pule, faiaoga ma auaga taitasi i le lagolagoina malosi o asiasiga sa taumafai iai le komiti. E le gata o asiasiga tiapula, a o le faamamaina o maumaga taitasi i taimi o asiasiga. O le tatalo a le komiti ma le vaega o le Samoa Land, ia tatou maua se Kerisimasi manuia ma se Tausaga Fou fiafia i le alofa ma le agalelei o le Atua. Faafetai.

Komiti o Maumaga



Meaalofa SMT mo le Faletusi a le Kolisi

E maualuga pea le vaai a le Sosaiete a Malua Tuai (SMT) i le laumua i Maluapapa o le faavae o le ola aoaoina mo le galuega a le Atua. O le ala lea o le naunau pea e faatino atina'e lelei e fesoasoani mai ai mo le agai i luma o aoaoga i le Kolisi. E tusa ma le \$50,000 Tala Samoa na faatupeina ai e le SMT le toe faatotogaina o le Faletusi i oloa fou ma anagata e aofia ai le Masini Lomitusi lanu (IMC4500 RICOH-color) e \$29,353.27; Masini ea malulu e \$5,500 faatasi ai ma le limasefulu (50) nofoa o le ituaiga Buro Mario ile tau e \$14,950.



O le aso 9 Novema 2021 na tatala aloaia ai ia meaalofa i se sauniga puupuu ma ootiina ai le lipine e le susuga i le Peresitene o le SMT, Rev Elder Asotasi Gu Time. Na ia saunoa foi e faaalua le agaga fiafia o tamā o le ekalesia e fesoasoani mai i soo se mea e moomia e le kolisi mo le atina'eina o alo ma fanau a le ekalesia. Na saunoa le Pule o le Kolisi, Rev Dr Vaitusi Nofoaiga e faaalua le agaga faagaetia ma faafetaia ai le SMT i nei meaalofa taua.

MAFUTAGA FA'AFUINA

O le masina o Aukuso 16-19, 2021 na usuia ai le mafutaga Faafouina a Faifeau ma aoao ile Kolisi pei lava ona masani ai i tausaga uma. A o se tausaga ese foi lenei ile talafaasolopito o lenei mafutaga ona ua faaagaina le fesootaiga Sumi (Zoom) i luga o le Initaneti e fesootai atu ai ma atunuu i fafo. O lea faiga na mafai ai ona auai mai Faifeau Toeina ma nisi o le aufaigaluega i Ausetalia, Niu Sila ma Amerika i talanoaga uma o mataupu o le mafutaga. Na saunia e faiaoga Pepa o aoaoga ma sa molimauna le faafiafiaina o le mafutaga i ia tapenaga uma. Na faauma mataupu o le mafutaga ile fono a le Sosaiete a Malua Tuai (SMT); sa iocina ai le amata

faagaioia loa o le polokeki ile toe faafouina o le Faletusi a le Kolisi o loo iai nei. Na faaiu ile sauniga lotu o le faamanatuga na taitaia lava e le Susuga i le toeaia ia Asotasi Gu Time ma lona auvaa o susuga i faiaoga o le Kolisi. Na momoli mai foi le faafetai a le taitai o le mafutaga i le Kolisi e tusa ai ma le tausiga lelei o le mafutaga.

Na taape le mafutaga ma le malilie i mea uma; e le gata i le itu i fafo i le tausiga i taumafa ma apitaga na faaagaina, a o le tele foi o aoaoga faafouina sa mafai ona fetufaa'i ai ma faiaoga na fai ma oso lelei o le toe foi atu ile galuega.



POLOKETI VASEGA FA'AIUASO, 2021 - GALUEGA FA'ALELEI MO LE PA PA'EPA'E

E tulaga ese foi le tapenaga a le vasega faaiuasO o lenei tausaga 2021, i la latou meaalofa mo le Kolisi. Na manatu le vasega faaiuasO o so latou sao lelei i le Kolisi ma le ekalesia foi le toe faaleleia o nisi o vaega o le pa pa'epa'e o le aai. O le masina o Setema na taliaina ai e le Komiti o Malua ma le susuga ile Alii Pule ma le aiga faiaoga le polokeki ua taua i luga ma amataina ai loa le galuega. O le faafouina o vaega o le pa ua solo ma faaleagaina ma le fauina o faitotoa uamea (boom gates) mo faitotoa i Tofuola, Malua-tai ma Leulumoega. E le i faigofie lenei galuega tele ae sa molimauiina le tinoū ma le lototetele o le vasega ina ia uma le galuega. E oo atu ia Oketopa i le lotu tamaiti ua maea le tele o le galuega, ona faauma malie ai lea o nai vaega iti na totee ina ua a'e mai le tuuaga o le lotu tamaiti. O le Konekarate a le Scott Levi Engineering sa fauina faitotoa u'amea e tolu (3) i le tau e \$15,900. O le faaleleia o vaega na faaleagaina ma le toe fauina atoa o le pitopa i Tofuola e \$12,316.80. O le tau atoa o le polokeki a le vasega faaiuasO 2021, e \$28,216.80. O se galuega maoa'e tele lona matagofie auā ua toe faaleleia atoa le pa ma toe faaiila lona vali paepae ua lauiloa ai ia Samoa. Ua molimauiina foi ua malupuipua le aai o le Maluapapa i lenei galuega tele ma ona faitotoa uamea i vaega uma o le lotoa e ulufale ai. Leitia a pepese a'oa'o ma o latou faletua faapea, 'Malua o si o'u laumua, ioimata o le ekalesia; O le aai e malama pei ose tioata, ae siomia e le pa pei o Ieruslaema i le amata'. Ia fai ma viiga o le Atua lenei galuega tele, ae aua nei ia te i tatou.



VAAIGA ESEESE



MALUA THEOLOGICAL COLLEGE

147th PRIZE-GIVING 2021

FAAILOGA		SAUNIA FAAILOGA	MATAUPU	POLO-KALAME	UA MAUA:
FALETUA: TAUSAGA 1					
1	Leaso & Faafetai Tupa'i Prize	Leaso & Faafetai Tupa'i	Theology Courses		Norah Utufua, Luafata Gasolo
2	Malua Theological College Prize	Malua Theological College	Old Testament Courses		Faafou Leuta, Luafata Gasolo, Rossana Tanielu
3	Angharad Saga & Fanau Prize	Angharad Saga	New Testament Courses		Rossana Tanielu
4	Niulala & Loretta Kupa Prize	Niulala & Loretta Kupa	History Courses		Norah Utufua, Rossana Tanielu
5	Lemau Pala'amo & Fanau Prize	Alesana & Lemau Pala'amo & Fanau	Practical Theology Courses		Luafata Gasolo
FALETUA: TAUSAGA 2					
6	Ramona Taipisia Leilua Memorial Prize	Taipisia & Vaisola Leilua & Fanau	Theology Courses		Emma Masoe, Moevasa Reti, Tutogi Keilani
7	Malua Theological College Prize	Malua Theological College	History Courses		Toeseanuupotopoto Tautalagia, Moevasa Reti
8	Malua Theological College Prize	Malua Theological College	Practical Theology Courses		Toeseanuupotopoto Tautalagia, Moevasa Reti
9	Torise Neemia & Fanau Prize	Makesi & Torise Neemia & Fanau	Old Testament Courses		Toeseanuupotopoto Tautalagia
10	Siulepa Maulupe Puaina Memorial Prize	Seumaninoa & Neda Puaina	New Testament Courses		Toeseanuupotopoto Tautalagia, Moevasa Reti
FALETUA: TAUSAGA 3					
11	Keilani & Mere Tagoa'i Memorial Prize	Melani & Ailini Keilani	History Courses		Faalaniga Tanielu
12	Mile Nofoaiga Prize	Vaitusi & Mile Nofoaiga	New Testament Courses		Susana Liufau
13	Malua Theological College Prize	Malua Theological College	Old Testament Courses		Jeddah Koria, Valma Tagaloa
14	Siaosi Ipinu Memorial Prize	Kara & Tuluiga Ipinu & Fanau	Practical Theology Courses		Faalaniga Tanielu, Susana Liufau
15	Maafala Limā Prize	Maafala Limā	Theology Courses		Faalaniga Tanielu, Susana Liufau
FALETUA: TAUSAGA 4					
16	T. S & S. C Prize	Malifa & Sitaua Malifa	Old Testament Courses		Amiaifolau Lutua
17	Maria Samuelu Prize	Maria Samuelu	Theology Courses		Feagiai Lilomaiaava, Amiaifolau Lutua, Cecilia Onesemo
18	Fuarosa Maulolo Prize	Fuarosa Maulolo	Practical Theology Courses		Feagiai Lilomaiaava
19	Iosefa & Teki Uilelea Prize	Iosefa & Teki Uilelea	History Courses		Amiaifolau Lutua, Cecilia Onesemo
20	Rita Eteuati Prize	Rita Eteuati	New Testament Courses		Naomi Alaimoana, Feagiai Lilomaiaava, Logosau Reupena
FALETUA: GALUEGA TAU-LIMA					
21	Michiko Ete-Limā Prize	Michiko Ete-Limā	Galuega Taulima: Tausaga 1		Rossana Tanielu
22	Mafutaga Tina MTC	Mafutaga Tina MTC	Galuega Taulima: Tausaga 2		Toeseanuupotopoto Tautalagia

I' U L E O O L E M A L U A P A P A

23	Tauvela Su'a Prize	Tauvela Su'a	Galuega Taulima: Tausaga 3		Jeddah Koria, Rerepairere Vaai
24	Lalokava Limā Prize	Lalokava Limā	Galuega Taulima: Tausaga 4		Logosau Reupena
25	Rita Eteuati Prize	Rita Eteuati	Alualu i luma i Galuega Taulima		Naomi Alaimoana

A'OA'O: TAUSAGA 1

26	Malua Theological College Prize	Malua Theological College	Introduction to the Old Testament		Spencer Leuta
27	Uili & Letupu Seaga Memorial Prize	Afereti & Samata Uili	Hebrew Language I & II		Misioka Tanielu
28	Tiupita & Mane Leiataua Memorial Prize	Alo & Fanau	Introduction to the New Testament		Spencer Leuta
29	Malua Theological College Prize	Siaki Brown	Greek Language I & II		Misioka Tanielu
30	Tuuau & Gogosina Sao Memorial Prize	Alo & Fanau	Early Church History		Spencer Leuta
31	Siolo and Merita Tauati Prize	Alo & Fanau	Introduction to Theology I & II		Spencer Leuta
32	Reupena & Fuarosa Maulolo Prize	Reupena & Fuarosa Maulolo	Foundations of Practical Theology		Spencer Leuta
33	Malua Theological College Prize	Malua Theological College	Homiletics		Spencer Leuta
34	Malua Theological College Prize	Malua Theological College	Medieval History		Misioka Tanielu

A'OA'O: TAUSAGA 2

35	Ioritana Tanielu Prize	Ioritana Tanielu	Reformation	BD-Hons	Saleaula Reti
36	Malua Theological College Prize	Malua Theological College	Reformation	BTh	Brian Anae
37	Lealaiauloto Nofoaiga Memorial Prize	Vaitusi & Mile Nofoaiga	Pietism & Revivals	BD-Hons	Saleaula Reti, Vaafuti Alauni
38	Tuiloma Aumua Aigofie & Fuatai Aumua Memorial Prize	Taipisia & Vaisola Leilua	Pietism & Revivals	BTh	Matelili Tautalagia
39	Tuliaupupu & Talaetau Limā Pala Memorial Prize	Maafala & Lalokava Limā	Christology and Trinity	BD-Hons	Saleaula Reti
40	Mila & Faailoa Sapolu Memorial Prize	Leaupepetele Pale Sapolu	<i>" (plus a hamper of food products, mea taulima)</i>	BTh	Malaeloia Toleafoa, Sailimalo Uamalau
41	Milo Faaleava Memorial Prize	Talamasinei Faaleava & Fanau	Study of the Torah	BD-Hons	Saleaula Reti
42	Peniamina Aumagamaia Memorial Prize	Sieni Aumagamaia & Fanau	Study of the Torah	BTh	Matelili Tautalagia
43	Atanoa Niuula Leilua Memorial Prize	Galuefa & Sara Leilua	Study of the Synoptic Gospels	BD-Hons	Saleaula Reti
44	Aputi Tiupita Memorial Prize	Alo & Fanau	Study of the Synoptic Gospels	BTh	Sailimalo Uamalau
45	Maiava & Lepisi Valusu'i Lāsoo Memorial Prize	Maafala & Lalokava Limā	Study of Pauline Letters	BD-Hons	Saleaula Reti
46	Mafutaga Tagata LMS Prize	Mafutaga Tagata LMS	Study of Pauline Letters	BTh	Brian Anae
47	Eperone & Mafa Futi Prize	Eperone & Mafa Futi	Study of the Writings	BD-Hons	Alexander Pelesala
48	Melepone & Tupe Isara Prize	Melepone & Tupe Isara	Study of the Writings	BTh	Manase Afutiti
49	Malua Theological College Prize	Malua Theological College	Christian Worship	BD-Hons	Saleaula Reti, Taumaloto Salevao
50	Malua Theological College Prize	Malua Theological College	Christian Worship	BTh	Matelili Tautalagia
51	Levesi Afutiti Memorial Prize	Sala Afutiti & Fanau	Biblical Criticism	BD-Hons	Saleaula Reti
52	Keti & Moevanu Magalo Memorial Prize	Tuto'atasi & Fetū To'alima	Biblical Criticism	BTh	Matelili Tautalagia

I' U L E O O L E M A L U A P A P A

53	Malua Theological College Prize	Malua Theological College	Hebrew Reading	BD-Hons,BTh	Saleaula Reti
54	Vaitusi & Mile Nofoaiga Prize	Vaitusi & Mile Nofoaiga	Greek Reading	BD-Hons,BTh	Brian Anae
55	Vagatai & Lusua Va'aelua Prize	Vagatai & Lusua Va'aelua	Theological Hermeneu- tics	BD-Hons,BTh	Saleaula Reti
56	Malua Theological College Prize	Malua Theological College	Gospel & Culture	BD-Hons,BTh	Michael Poutasi
57	Enoka & Susi Aperaamo Prize	Enoka & Susi Aperaamo	Studying a Synoptic Gospel: Mark	BD-Hons,BTh	Brian Anae, Malaeloa Toleafoa
58	Arthur, Sina & Jeremiah Wulf Prize	Arthur, Sina & Jeremiah Wulf	Old Testament Ecology	BD-Hons,BTh	Vaafuti Alauni, Matelili Tautalagia
59	Samasoni & Malavai Alama Prize	Samasoni & Malavai Alama	Introduction to Old Testament Themes	BD-Hons,BTh	Matelili Tautalagia
60	Filemoni & Alofa Crawley Prize	Filemoni & Alofa Crawley	Leadership & Manage- ment in Ministry	BD-Hons,BTh	Esera Tufuga
61	Muao & Tauvela Fagasua Prize	Muao & Tauvela Fagasua	New Testament Worlds (Elective)	BD-Hons,BTh	Malaeloa Toleafoa
62	Malua Theological College Prize	Malua Theological College	Congregationalism (Elective)	BD-Hons,BTh	Manase Afutiti
63	Malua Theological College Prize	Malua Theological College	Ecumenism (Elective)	BD-Hons,BTh	Manase Afutiti
64	Siaosi Ipinu Memorial Prize	Kara & Tuluiga Ipinu & Fanau	Human Equality & Dignity in Divine Econ- omy (Elective)	BD-Hons,BTh	Semi Sititi
65	Tunumoso & Susana Iosia Prize	Tunumoso & Susana Iosia	Sermon Class	ALL 3	Saleaula Reti
A'O A'O: TAUSAGA 3					
66	Malua Theological College Prize	Malua Theological College	Ecclesiology & Escha- tology	BD-Hons	Hovert Sasa, Pelenato Liufau
67	Galuefa & Sara Leilua Prize	Galuefa & Sara Leilua	Ecclesiology & Escha- tology	BTh	Fraser Tauaivale
68	Malua Theological College Prize	Malua Theological College	Ecclesiology & Escha- tology	DipTh	Filifili Malifa
69	Malua Theological College Prize	Malua Theological College	Patristics	BD-Hons	Hovert Sasa, Faafetai Koria
70	Mafutaga Tagata LMS Prize	Mafutaga Tagata LMS	Patristics	BTh	Fraser Tauaivale
71	Malua Theological College Prize	Malua Theological College	Patristics	DipTh	Filifili Malifa
72	Fiu & Faiupu Samuela-Gibbons Me- morial Prize	Alo & Fanau	Christian Education	BD-Hons	Hovert Sasa
73	Foma'i Lafaialii Memorial Prize	Fausagafou Lafaialii & Fa-	Christian Education	BTh	Fraser Tauaivale
74	Malua Theological College Prize	Malua Theological College	Christian Education	DipTh	Ioane Vaiao
75	Sale Autagavaia Memorial Prize	Meresereisa Autagavaia & Fanau	Pastoral Field Work Education	BD-Hons	Pelenato & Susana Liufau
76	Ioritana Tanielu Prize	Ioritana Tanielu	Pastoral Field Work Education	BTh	Matthew & Valma Tagalao
77	Vagatai & Lusua Va'aelua Prize	Vagatai & Lusua Va'aelua	Pastoral Field Work Education	DipTh	Falevaai Ah Kuoi
78	Anesi Koria Memorial Prize	Alesana & Rita Eteuati	Gospel of John	BD-Hons,BTh	Faafetai Koria
79	Keilani & Mere Tagoa'i Memorial Prize	Melani & Ailini Keilani	Gospel of John	BTh	Fraser Tauaivale
80	Faletagaloa & Fitiuta Tavita Memori- al Prize	Seumaninoa & Neda Puaina	Gospel of John	DipTh	Falevaai Ah Kuoi
81	Viliamu & Vaotua Leilua Prize	Viliamu & Vaotua Leilua	Study of Revelation	BD-Hons	Hovert Sasa
82	Alesana & Rita Eteuati Prize	Alesana & Rita Eteuati	Study of Revelation	BTh	Mika Su'esu'e
83	Seumaninoa & Neda Puaina Prize	Seumaninoa & Neda Puaina	Study of Revelation	DipTh	Falevaai Ah Kuoi/ Filifili Malifa
84	Leaso & Faafetai Tupa'i Prize	Leaso & Faafetai Tupa'i	Study of the Prophets	BD-Hons	Faafetai Koria
85	Liki & Eseta Tiatia Prize	Apela & Jesilia Ah Him	Study of the Prophets	BTh	Fraser Tauaivale

I' U L E O O L E M A L U A P A P A

86	Malua Theological College Prize	Malua Theological College	"	DipTh	Ioane Vaiao
87	Samasoni & Malavai Moleli Prize	Samasoni & Malavai Moleli	The Book of Psalms	BD-Hons	Faafetai Koria
88	Faamatala & Malaē Aseta Memorial Prize	Malutafa & Josephine Faalili & Fanau	The Book of Psalms	BTh	Fraser Tauaivale
89	Malua Theological College Prize	Malua Theological College	The Book of Psalms	DipTh	Falevaai Ah Kuoi/ Filifili Malifa
90	Kolia Tovio Memorial Prize	Taipisia & Vaisola Leilua	Samoan Christianity	BD-Hons	Faafetai Koria
91	Malua Theological College Prize	Malua Theological College	Samoan Christianity	BTh	Fraser Tauaivale, Russell Ieremia
92	Malua Theological College Prize	Malua Theological College	Samoan Christianity	DipTh	Filifili Malifa
93	Iosia & Orepa Evile Prize	Iosia & Orepa Evile	Contextual Theologies (Elective)	BD-Hons,BTh	Hovert Sasa/ Fraser Tauaivale
94	Malua Theological College Prize	Malua Theological College	CCCS since Independence (Elective)	BD-Hons,BTh	Faafetai Koria
95	Filemoni & Alofa Crawley	Filemoni & Alofa Crawley	Pastoral & Psychological response to Natural and Health related disasters (Elective)	BD-Hons,BTh	Joshua Leatigaga
A'OA'O: TAUSAGA 4					
96	Oka & Sooletaua Fauolo Memorial Prize	Alo & Fanau	Ministry in a Changing Society	BD-Hons	Dominic Taeleipu
97	Filemoni & Alofa Crawley Prize	Filemoni & Alofa Crawley	Ministry in a Changing Society	BTh	Visesio Leilua, Tafatolu Tapaleao, Niutuiatua Onesemo
98	Tuipoloa Samuelu Memorial Prize	Olive & Maria Samuelu	World Religions & Ethics	BD-Hons	Isaako Iose
99	Niulala & Loretta Kupa Prize	Niulala & Loretta Kupa	World Religions & Ethics	BTh	Tafatolu Tapaleao
100	Tunumoso & Susana Iosia Prize	Tunumoso & Susana Iosia	Pastoral Care & Counselling	BD-Hons	Isaako Iose
101	Fosi, Latia Pala'amo & Fanau: Rowena, Norman, Papatiso Memorial Prize	Alo & Fanau	Pastoral Care & Counselling	BTh	Aunese Anau, Niutuiatua Onesemo
102	Siitia & Malele Asi Memorial Prize	Alo & Fanau	New Testament Themes & our Contexts	BD-Hons	Dominic Taeleipu
103	Ena Faamausili Collins Memorial Prize	Vaitusi & Mile Nofoaiga	New Testament Themes & our Contexts	BTh	Paie Tapulegalo
104	Te'o Eteuati Memorial Prize	Alesana & Rita Eteuati	Study of Jewish Writings	BD-Hons	Dominic Taeleipu, Tavita Reupena
105	Silafaga Ah Him Memorial Prize	Apela & Jesilia Ah Him	Study of Jewish Writings	BTh	Kereveta Tiumalu/ Niutuiatua Onesemo
106	Pouniu & Aniva Faamausili Prize	Pouniu & Aniva Faamausili	History of Israel	BD-Hons	Dominic Taeleipu/ Tavita Reupena
107	Moreli Alama Memorial Prize	Samasoni & Malavai Alama	History of Israel	BTh	Visesio Leilua
108	Melepone & Tupe Isara Prize	Melepone & Tupe Isara	Old Testament Theology & our Contexts	BD-Hons	Dominic Taeleipu/ Isaako Iose
109	Maposua & Faauliuli Fealofani Limā Memorial Prize	Peletisala & Michiko Limā	Old Testament Theology & our Contexts	BTh	Tafatolu Tapaleao
110	Uilelea & Lalago Memorial Prize	Alo & Fanau	Pacific Christianity... donated KJV Study Bible	BD-Hons	Dominic Taeleipu

I' U L E O O L E M A L U A P A P A

111	Vavae & Avai'a Toma Memorial Prize	Visesio & Angharad Saga	Pacific Christianity	BTh	Tafatolu Tapaleao, Navy Luatua
112	Sanivā Ng Shiu Memorial Prize	Ruta Ng Shiu & Fanau	Pacific Theology	BD-Hons	Isaako Iose
113	Iosia & Orepa Evile Prize	Iosia & Orepa Evile	Pacific Theology	BTh	Tafatolu Tapaleao
114	Maafala & Lalokava Limā Prize	Maafala & Lalokava Limā	Christian Worlds	BTh	Laveai F. Sene, Tafatolu Tapaleao
115	Talia & Feiloaiga Tapaleao Prize	Talia & Feiloaiga Tapaleao	Tusiga a le Kolisi/College Thesis	BD-Hons	Isaako Iose
116	Risatisone Ete Prize	Risatisone Ete	Tusiga a le Kolisi/College Thesis	BTh	Kereveta Tiumalu
117	Kirisimasi & Meresereisa Amosa Memorial Prize	Punaoleola Mua'itau	A'oa'o alualu i luma le Taumafai		Penehuro Lilomaiaava
118	Senetenari Toese Peleti Toailoa Prize (Faletua)	Senetenari Toese Peleti Toailoa	Faletua Galue Lelei & Tausaafia		Feagia'i Lilomaiaava, Amiaifolau Luatua
119	Sarasopa & Aitaua Enari Memorial Prize	Alo & Fanau	A'oa'o Best All Round, BDHons, BTh, DipTh		Penehuro Lilomaiaava, Navy Luatua
120	Kenape Tuuu Faletoesse Memorial Prize	Alo & Fanau	Lauga a Faaiuso		Ailepata Leuta

MERIT PRIZES/ FAALOGA TAUALOA: FALETUA & A'OA'O

MERIT PRIZES/ FAALOGA TAUALOA: FALETUA & A'OA'O

121	Lalokava Limā Prize	Lalokava Limā	Tausaga 1: FALETUA	Faletua	Rossana Tanielu
122	Seuamuli Tā'ele Sapiō Tooala & late Vaoiva Tooala Prize	Seuamuli Tā'ele Sapiō Tooala	Tausaga 1: A'OA'O	A'oa'o	Misioka Tanielu
123	Taipisia & Vaisola Leilua Prize	Taipisia & Vaisola Leilua	Tausaga 2: FALETUA	Faletua	Moevasa Reti
124	Seumanufagai Autagavaia Faamasani Filo Memorial Prize	Lalotoa Filo & Fanau	Tausaga 2: A'O'A'O	BTh	Brian Anae
125	Fiamalua (FFA) Memorial Prize	Mana Lauina & Fanau	Tausaga 2: A'O'A'O	BD-Hons	Saleaula Reti
126	Samata Uili Prize	Samata Uili	Tausaga 3: FALETUA	Faletua	Susana Liufau
127	Muao & Tauvela Fagasua Prize	Muao & Tauvela Fagasua	Tausaga 3: A'OA'O	Dip	Filifili Malifa
128	Paul & Taualogomai Gray Prize	Paul & Taualogomai Gray	Tausaga 3: A'OA'O	BTh	Fraser Tauaivale
129	Oka & Sooletaua Fauolo Memorial Prize	Alo & Fanau	Tausaga 3: A'OA'O	BD-Hons	Hobert Sasa
130	Eseta Sapolu Tiatia Prize	Apela & Jesilia Ah Him	Tausaga 4: FALETUA (+Gift)	Faletua	Amiaifolau Luatua, Cecilia Onesemo
131	Sili & Malaea Perelini Memorial Prize	Alo & Fanau	Tausaga 4: A'OA'O	BTh	Tafatolu Tapaleao
132	Setefano Memorial Prize	Leti Setefano & Fanau	Tausaga 4: A'OA'O	BD-Hons	Isaako Iose

TAALOGA/SPORTS: A'OA'O

Siamupini i le Soka/Soccer Champs				WHITE
Siamupini Lakapi pa'i/Touch rugby Champs				BLACK
Siamupini i le Soka & Lakapi Pa'i Overall Champs				DRAW=WHITE & BLACK
Kirikiti FaaSamoa Faiaoga & A'oa'o				BLUE
Kirikiti FaaSamoa Faiaoga & A'oa'o-Pitonuu		TOFUOLA vs MALUA TAI		MALUA-TAI
A'oa'o Taalo Tausaafia 2021				Penehuro Lilomaiaava

Faafetai le agalelei, faafetai lagolago i le Kolisi. Faamanuia tele le Atua!

Komiti o le Maluapapa

Makesi Neemia, Alesana Palaamo, Karā Ipinui, Clarke Stowers, Leuelu Setu, Esera Esera,

Hobert Sasa, Va'afuti Alauni, Makesi Namulauulu, Misioka Tanielu, Lance Tautiepa

Malua Theological College www.malua.edu.ws © 2021